

儒門醫學

肆



路式里鹽 詳見瀉藥類

斑蝥

有毒

斑蝥所作之各藥能感動身體如服之則有大

毒故此藥惟外科常用之用法依其藥之濃淡分兩種性情如用之甚少祇令皮膚發紅而癢作斑蝥洗藥用斑蝥一分浸於橄欖油四分內或可將斑蝥酒與樟腦洗藥和勻之作斑蝥酒法用斑蝥半兩浸於準酒二升內以上之法爲用其藥之淡者如用濃者能令皮膚發泡卽如藥肆出售之斑蝥硬膏可作弔炎之用或可將斑蝥醋用駱駝毛筆點之作斑蝥醋法用斑蝥二兩磨勻浸於酸醋一升內久之卽成嬰兒不可用弔炎藥用斑蝥硬膏法將硬膏

貼在欲發泡處待十二小時輕手揭去如泡未破可用剪刀剪破以放其水再加冷膏作冷膏法用白蠟一兩杏仁粉半錢玫瑰油五滴先將蠟與杏仁油和水二兩研砂化之再將研砂用玫瑰花水消化之稍加熱將二物調和添入玫瑰膏外鋪麻絨則易愈外科醫士有加發炎之藥油待冷成膏不使速愈以射利也

用弔炎藥之意令皮膚內各質之病能愈卽如心肺有病胷上加弔炎藥腦髓有病耳後貼弔炎藥用於他處者意亦相同其理難明祇以爲皮膚上生一種輕病則皮膚內之重病可減且腦氣筋之性情以外病爲重注意於皮外之病而皮內之病可減但此說尙無確據要之人身內有

舊炎症若用弔炎藥能得其大益也

第一方 治髮落不能茂盛者

斑蝥醋半兩 香水一兩 玫瑰花水一兩 三物
調和搽於髮根內

第二方 治凍瘡

斑蝥酒三錢 樟腦洗藥十一錢 二物調和洗之

第三方 治傷筋或腹痛

斑蝥酒一錢半 樟腦洗藥一兩半 鴉片酒三錢

三物調和擦之

化痰藥 此類之藥其性能令肺之內皮並行氣之內皮

合其常度。如生炎而有痰，則爲內皮所生之料，不合常度。用化痰藥，則咳嗽時痰能吐出，且能令所生之料合其常度。最妙之化痰藥，爲打打伊密的。與呷啞啞服少許有效。有人喜用士哇盧與到魯樹汁。老弱之人宜用辛衣格與補火劑如淡輕等可也。

呷啞啞 此草產於巴西國。取其根入藥。根小而色椶內有圈紋密布。多服則爲吐藥。少服則爲發汗藥。與化痰藥其性與打打伊密的略同。但其功力頗小。此藥內含一質名伊密的尼。每重百分內含伊密的尼一分。此質之功力略同於打打伊密的。凡用呷啞啞爲吐藥，則胃作欲嘔之

勢氣力耗散。筋肉寬鬆。肌膚出汗。如發熱生炎之病。用呷
呷略發汗。氣管生炎。氣喘之病。用呷呷略化痰。以一釐至
二釐爲一服。如用作吐藥。以十釐至三十釐爲一服。用暖
水調和飲之。作呷呷略葡萄酒法。將呷呷略二兩半。葡萄
酒二升。每日調攪一次。待七日後濾清可用。服十滴至三
十滴。爲化痰與發汗劑。服二錢至四錢。爲吐劑。如爲小兒
吐劑。服二十滴至六十滴。每過一刻服一次。至吐而止。
呷呷略襍散。又名度法散。用鉀養二硫養八分。呷呷略一
分。鴉片一分。故用此散者。必知每散十釐。內有鴉片一釐。
不可妄用。如尋常發熱病。臨臥時。用十釐爲一服。能發汗。

而安心作呖啞啞士哇盧丸將度法散三錢士哇盧一錢
阿摩尼阿古末膠一錢加糖漿足以成丸氣管生炎服此
丸有益以五釐至十釐爲一服惟此丸與度法散兩物小
兒不可服之凡病不可服鴉片者卽不可用此兩物也

第一方 吐劑

呖啞啞粉二十釐 呖啞啞葡萄酒二錢 水一兩

三物調和爲一服

第二方 此爲小兒吐劑

呖啞啞葡萄酒半兩 糖漿半兩 水一兩 三物
調和每隔十分時服一錢以吐爲度

第三方 治氣管生炎之化痰劑

叱哩咯葡萄酒三兩 到魯糖漿五兩 阿拉伯樹

膠水八兩 三物調和每服一錢

辛衣格 此草產於北亞美利加俗名乳草取根入藥味辛而能惹胃性能發汗化痰氣管舊炎症以此爲要藥因能化痰而感動皮膚也尋常藥方中與淡輕同用作辛衣格煮水法將辛衣格十錢水二升加熱令沸至餘一升以一兩至三兩爲一服

第一方 治老人氣管生炎

辛衣格煮水一兩半 淡輕^四養炭^三養五釐 二物調

和爲一服每日三服

第二方 治小兒哮喘症與傷風

辛衣格粉五釐 鈉養二炭養一釐 土哇盧粉四

分釐之一 糖三釐 四物磨勻爲一服添入大麥

煮水飲之每隔兩時服一次

土哇盧 此草產於地中海邊其根形似葱頭有大有小
內含辛味之質能感動內皮食一大服則爲吐藥食一小
服則能化痰頗有功用亦能治氣管生炎等病又能發汗
與利小便尋常治咳之劑大半有此藥在內

此藥用法將其根磨成細粉以一釐至三釐爲一服作土

哇盧襍丸法將土哇盧粉一錢薑粉二錢阿摩尼阿古末
二錢軟肥皂二錢糖漿一錢磨勻以五釐至十五釐爲一
服用以化痰最妙作土哇盧醋法將土哇盧二兩半浸於
酸醋一升內待三日則添入正酒醋一兩半以半錢至一
錢爲一服如將土哇盧醋五十兩熬之至餘十二兩乘熱
時加蜂蜜五磅則成土哇盧蜜醋爲尋常用此藥之法以
半錢至二錢爲一服

第一方 治久咳

土哇盧二釐 叱哩咯四釐 二物磨勻爲一服每
隔一時服一次

第二方 治水腫

此方爲拜里醫士所作

土哇盧襍丸料十釐 水銀丸料四釐 二物磨勻
作兩丸爲一服每日一服

第三方 治水腫

土哇盧六釐 哥囉嘶六釐 巴豆油一滴 三物
磨勻作三丸爲一服每三日一服

第四方 治咳嗽而痛

土哇盧蜜醋半錢 硝以脫半錢 水一兩 三物
調和爲一服每隔兩時服一次

第五方 治氣管舊炎症

土哇盧蜜醋半錢 阿拉伯膠水半兩 叱嗶略葡
萄酒十滴 鈉養二炭養五釐 鴉片酒五滴水
半兩 六物調和爲一服 每隔兩時服一次

第六方 治水腫等病之利小便劑

土哇盧醋一錢 渣臘酒二錢 薄荷水一兩半
三物調和爲一服

到魯樹汁 此樹產於秘魯國其花似豆類之花取其乾
汁成粉形如松香秘魯樹汁與到魯樹汁略同不過爲稠
質實非秘魯國運來蓋出於中亞美利加之危地馬拉也
此藥之性能補火化痰可治氣管炎症之初發者以十釐

至三十釐爲一服。如將到魯樹汁一兩，浸入準酒一升內，消化之，以半錢至一錢爲一服。此藥不能消化於水，故凡用其粉者，必用阿拉伯等膠水相和，則不沈下。作到魯糖漿法，將到魯汁乾粉一兩，又四分兩之一，添入蒸水，加熱沸之，略二刻，離火，添蒸水足成十六兩，待冷，濾之，加白糖粉二磅，用熱水盆加熱，令消化，其重三磅，以半錢至一錢爲一服。

第一方 治傷風之化痰劑

到魯糖漿半錢 阿拉伯樹膠半兩 二物調和加

桂皮水一兩爲一服

打打伊密的 詳見吐藥類

安神藥 凡感動腦髓而令人酣臥者謂之安神藥此類

藥大半能止痛令寐故作此用卽如鴉片嗅啡啞罌粟殼皆能令人醉而止痛但有數病不宜用鴉片者在鴉片一節特詳論之羊躑躅亦爲安神藥能止痛但有時未能令寐哥囉朐能止痛令人昏蒙故外科施刀針法令人先嗅此藥則不知痛飲酒過限令人大醉不能安睡也

鴉片 此爲罌粟花結實時刺出之汁略有半乾產於土爾其國者爲上產於印度者最多而稍次其臭易辨其味苦如曬乾磨之則得黃稜色之粉

鴉片爲大有功力之藥病之危險者常用之但不可妄投以致危險如不明鴉片之用法而誤投之有中其毒而卽死者驗尸審問之官必定用藥者之罪

鴉片能令人安睡亦能平火安心搽於皮膚則能止痛而減其患苦服之則先補火令皮膚暖和而脈加速後則神倦欲睡令人酣臥如服後不能安睡則痛必可減或竟止之如腦氣筋不安或動筋有痛亦可同時減之

鴉片之大功用有三能令人安睡一也能治腦氣筋痛二也能治動筋痛三也服後所顯之徵有三能減脈之速一也能減呼吸之速二也能令血聚於腦三也身內變化之

功有二能減腸中所成之各質令大便不通而止泄瀉一也。能令皮膚暖和可作發汗藥二也。

久服鴉片則臟腑習以爲常必加服之方能得其功用成癮之人終日如在夢中肌肉漸瘦服之過限則昏蒙難醒不知人事呼吸漸遲至停卽死。如有人多服鴉片爲求死之計必速服有大功力之吐藥。如不吐則用水節圖見西醫略論吸出胃中之各質又用兩人左右扶掖行走不令睡臥能飲之時則以極濃之加非水飲之。

凡身內有大痛則鴉片爲最妙之止痛藥如病者不能安睡則鴉片爲最妙之安神藥如動筋時痛鴉片亦能治之。

凡發熱之病皮膚乾熱脈數舌有厚苔不可服鴉片因鴉片之性能補火凡中風腦炎等病亦不可服鴉片因鴉片能令血聚於腦也小兒之病切不可用之因其性猛烈小兒不能當也

凡已痛而未發熱之病可服鴉片暫食葷麻油一服以免便秘之弊炎症可用鴉片與錒或汞相和服之又如肌膚滋潤脈不甚數大者亦可依同法服之喉炎症可與呔哩略相和服少許但年老之人氣難呼吸者則不宜用鴉片用之恐致危險也

鴉片能治泄瀉血痢凡酒癲婦女妄言笑臆燥等症服此